



## প্রেস বিজ্ঞপ্তি

### বরিশাল বিশ্ববিদ্যালয় কাউন্সিলিং এন্ড গাইডেন্স সেন্টারের উদ্বোধন

বরিশাল বিশ্ববিদ্যালয়, ১০ মার্চ ২০২৪শ্রিঃ

বরিশাল বিশ্ববিদ্যালয় পরিবারের সদস্যদের মানসিক সুস্থিতা নিশ্চিতের লক্ষ্যে বরিশাল বিশ্ববিদ্যালয়ে উদ্বোধন করা হয়েছে বরিশাল বিশ্ববিদ্যালয় কাউন্সিলিং এন্ড গাইডেন্স সেন্টার। অদ্য ১০ মার্চ ২০২৪ তারিখ রবিবার সকাল ৯:৩০ টায় বিশ্ববিদ্যালয়ের জীবনানন্দ দাশ কনফারেন্স হলে এ কাউন্সিলিং এন্ড গাইডেন্স সেন্টারের উদ্বোধন করা হয়। বরিশাল বিশ্ববিদ্যালয়ের উপাচার্য অধ্যাপক ড. মোহাম্মদ বদরজ্জামান ভুঁইয়ার সভাপতিত্বে উক্ত অনুষ্ঠানে প্রধান অতিথি হিসেবে উপস্থিত ছিলেন বিশিষ্ট সমাজসেবক লুণা আব্দুল্লাহ। এসময় প্রধান অতিথির বক্তব্যে লুণা আব্দুল্লাহ বলেন, প্রতিটি মানুষের মানসিক স্বাস্থ্যের উন্নতির জন্য কাউন্সিলিংয়ের প্রয়োজন রয়েছে। আর কাউন্সিলিংয়ের জন্য কাউন্সিলিং সেন্টারের কোন বিকল্প নেই। শুধু বিশ্ববিদ্যালয় পর্যায়ে নয়, সমাজের প্রতিটি সেক্টরে প্রয়োজন মানসিক সুস্থিতা। বাংলাদেশের প্রতিটি ঘরে আমাদের মায়েদের মানসিক সুস্থিতা নিশ্চিত করা প্রয়োজন। কারণ মা যদি মানসিক ভাবে সুস্থ না থাকে, তাহলে এর প্রভাব তার সন্তানের উপর পরবে। যার ফলে একটি সুস্থ জাতি গঠনের পথ বিস্তৃত হবে। তিনি আরও বলেন, মাননীয় প্রধানমন্ত্রী জননেত্রী শেখ হাসিনার নেতৃত্বে দেশ আজ দুর্বার গতিতে এগিয়ে যাচ্ছে। এধারাকে অব্যহত রাখতে হলে আমাদের মানসিক সুস্থতার প্রতি বিশেষ গুরুত্ব দিতে হবে। সামাজিকভাবে সচেতনতা সৃষ্টি করতে হবে। অনুষ্ঠানে প্রোগ্রাম স্পীকার হিসেবে ভার্চুয়াল যুক্ত ছিলেন প্রিয়াংকা সেরনিয়াবাত আবুল খায়ের, কাউন্সিলর ইন্টার্ন আন্ডার সুপারভিশন, মাস্টার্স ইন ক্লিনিক্যাল মেন্টাল হেলথ কাউন্সিলিং, নর্থওয়েস্টার্ন ইউনিভার্সিটি, ইউএসএ। কী-নোট স্পীকার হিসেবে বক্তব্য রাখেন স্বাস্থ্য অধিদপ্তরের শিশু বিকাশ কেন্দ্রের হসপিটাল সার্ভিস ম্যানেজমেন্টের সিনিয়র ইন্সট্রাক্টর ফায়েজা আহমেদ। রেজিস্ট্রার মো. মনিরুল ইসলামের সপ্তালনায় অনুষ্ঠানে বিশেষ অতিথি হিসেবে বক্তব্য রাখেন সামাজিক বিজ্ঞান অনুষদের ডিন দিলাফরোজ খানম, শিক্ষক সমিতির সভাপতি ড. মোহাম্মদ আব্দুল বাতের চৌধুরী এবং সাধারণ সম্পাদক ড. তারেক মাহমুদ আবীর। অনুষ্ঠানে বিশ্ববিদ্যালয়ের শিক্ষক, শিক্ষার্থী, কর্মকর্তা ও কর্মচারীগণ উপস্থিত ছিলেন।

কর্তৃপক্ষের নির্দেশক্রমে

২০২৪ খ্রিষ্টাব্দ

উপ-পরিচালক (চ.দা.)

জনসংযোগ অফিস  
বরিশাল বিশ্ববিদ্যালয়